



Akcija SIPA-e u RS-u



Pripadnici SIPA-e pretresli četiri lokacije

Pretresali u Banjoj Luci i Laktašima

Pripadnici Državne agencije za istrage i zaštitu SIPA u ponedjeljak su na području Laktaša i Banje Luke pretresli objekte na četiri lokacije, u potrazi za dokazima o počinjenom krivičnom djelu organizirani kriminal u vezi sa poreskom utajom ili prevaram, neovlaštenim prometom akciznih proizvoda, nedozvoljenim skladištenjem roba i obmanjivanjem kupaca.

Kako je jučer saopćeno iz SIPA-e, pretreseni su poslovni objekti dviju pravnih osoba i dva stambena objekta, a navedene aktivnosti su realizirane po naredbama Tužilaštva BiH i Suda BiH, u saradnji sa službenicima

Uprave za indirektno oporezivanje BiH.

-Tokom pretresa pronađena je i privremeno oduzeta ilegalna linija za pretakanje i preradu baznih ulja i njihovo pretvaranje u pogonsko gorivo, poslovna dokumentacija, automatska puška, ručna bomba, više komada municije i drugi predmeti koji mogu poslužiti kao dokaz u daljem postupku – saopćeno je iz SIPA-e.

Također je saopćeno da je u službenim prostorijama SIPA-e jučer u svojstvu osumnjičenog saslušana osoba G. P., protiv kojeg je Tužilaštvu BiH, u prethodnom periodu podnesen izvještaj o postojanju osnova sumnje o počinjenom krivičnom djelu.